



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400; 726 402  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-1/21-1-40-642-2/24**  
Datum: **27.12.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica JP „CESTE FEDERACIJE BIH“ d.o.o. Sarajevo, za izdavanje prethodne vodne saglasnosti za rekonstrukciju raskrsnice na spoju magistralne ceste M4 i transferzale T9 na području grada Tuzle, na osnovu člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

### **RJEŠENJE**

1. Odbija se zahtjev Investitora JP „CESTE FEDERACIJE BIH“ d.o.o., Sarajevo, u postupku izdavanja prethodne vodne saglasnosti za aktivnost rekonstrukciju raskrsnice na spoju magistralne ceste M4 i transferzale T9 na području grada Tuzle, s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ovo Rješenje ne oslobađa podnosioca zahtjeva obaveze pribavljanja saglasnosti i dozvola od drugih nadležnih organa, a sve u skladu sa važećim zakonskim propisima, odlukama, uredbama i sl.

### **Obrazloženje**

Podnosilac zahtjeva JP „CESTE FEDERACIJE BIH“ d.o.o., Sarajevo dostavio je ovoj Agenciji zahtjev za donošenje rješenja o prethodnoj vodnoj saglasnosti, za aktivnost rekonstrukciju raskrsnice na spoju magistralne ceste M4 i transferzale T9 na području grada Tuzle.

U provedenom postupku dostavljena je i pregledana sljedeća dokumentacija:

- Kopija Rješenja o izmjeni podataka iz sudskog registra broj: 065-0-Reg-16-002347 od 15.06.2016. godine izdat od Općinskog suda u Sarajevu;
- Kopija Uvjerenja o poreznoj registraciji donesenog od strane Porezne uprave – Kantonalni ured Sarajevo, 01.07.2016. godine;
- Studija za prethodnu vodnu saglasnost za projekat izgradnje južne saobraćajnice u Tuzli (dionica Ši Selo – Slavinovići, raskrsnice na spoju magistralne ceste M4 i transferzale T9), urađena od strane Univerzitet u Sarajevu – Građevinski fakultet - Institut za hidrotehniku i okolišno inženjerstvo, Sarajevo, juni 2024.g;
- Mišljenje o usklađenosti trase planiranog djela južne saobraćajnice u Tuzli sa prostornim planom za područje Tuzlanskog kantona za period 2005-2025. godine.
- Mišljenje o usklađenosti trase planiranog djela južne saobraćajnice u Tuzli sa prostornim planom Prostornim planom za područje Grada Tuzla za period 2010-2030. godine.
- Kopija katastarskog plana, ZK izvadka i Posjedovni listovi za predmetnu dionicu.
- Dokaz o uplaćenju upravnoj pristojbi;

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U provedenom postupku konstatovano je slijedeće:

U sklopu aktivnosti modernizacije magistralnih puteva u Federaciji BiH, koje provodi JP CESTE FEDERACIJE BIH, planirana je i aktivnost rekonstrukcije raskrsnice na spoju magistralne ceste M4 i transferzale T9 na području grada Tuzle, kojim će se osigurati propusna moć, zadovoljavajući nivo usluge i povećati sigurnost učesnika u saobraćaju.

Kroz postupak donošenja rješenja o prethodnoj vodnoj saglasnosti je odlučeno o postojanju uvjeta za realizaciju planiranih radova prema podnesenom zahtjevu i dostavljenoj projektnoj dokumentaciji koja obrađuje dio koji se odnosi na prikupljanje i konačnu dispoziciju oborinskih voda sa saobraćajnice, te utvrđeno slijedeće:

- Prema dostavljenoj dokumentaciji predviđen je zatvoreni sistem odvodnje raskrsnice gdje se atmosferske vode sa asfaltnih površina kontrolisano prikupljaju i odvođe do recipijenta;
- Predmetna raskrsnica se ne nalazi u zonama sanitarne zaštite izvorišta koja se koriste za potrebe javnog vodosnabdijevanja;
- Lokalitet na kome se planiraju radovi na rekonstrukciji raskrsnice nije u koliziji sa stalnim, privremenim i povremenim vodotocima u smislu ukrštanja i kolizije sa istim;
- Rješenje prikupljanja i konačne dispozicije oborinskih voda ne mijenja način odvodnje postojeće raskrsnice i ne utiče na izmjene režima površinskih i podzemnih voda u odnosu na postojeće stanje.

Nakon uvida u dostavljenu dokumentaciju utvrđeno je, sa aspekta sektora voda, da uslijed planirane rekonstrukcije predmetne raskrsnice neće doći do neželjenih uticaja predmetnog objekta na režim voda i promjene režima voda u odnosu na postojeće stanje odvodnje te u skladu s odredbama člana 139. stav (1) Zakona o vodama, nije propisana obaveza pribavljanja vodnih akata od strane ove Agencije, zbog čega se zahtjev smatra neosnovanim, s toga je riješeno kao u dispozitivu rješenja.

Za predmetnu aktivnost Investitor je dužan pribaviti vodne akte od nadležnog kantonalnog ministarstva, u skladu sa članom 17. stav (2) tačka 7. Pravilnika za izdavanje vodnih akata («Službene novine Federacije BiH», broj 31/15, 55/19, 41/20 i 63/22), obzirom da se dio aktivnosti odnosi na radove u zoni Divičkog potoka, vodotoka II kategorije.

#### **Uputa o pravnom lijeku:**


Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema zaključka.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka

Meho Čaušević, B.Sc.ing.grad.

Po ovlaštenju  
Rukovodilac sektora za izdavanje  
vodnih akata



Nihad Pezo, dipl.inž.grad.

Dostaviti:

- JP Ceste Federacije BiH, Terezija 54, 71000 Sarajevo
- ⊖ AVP Sava, ISV - vodna knjiga - ovdje
- Arhiva - ovdje
- Oglasna ploča AVP Sava